



Aftree-Oord
Retirement Village

Webbweg 1244 Webb Road
Queenswood Pretoria
0186

Tel. 012 333 4445x103

Web
www.huisherfsblaar.co.za

Welsyn / Social nr
001-676NPO

Epos / Email
manager@huisherfsblaar.co.za

BTW / VAT nr
4960184465

Die Nasionale Staat van Rampbestuur

COVID -19 BEPERKINGS VERSORGINGSEENHEID

Wat is belangrik om te weet:

28 Maart 2022

Ons wil eerstens almal bedank vir hulle volgehoue ondersteuning oor die afgelope jare wat baie nuwe uitdagings gebring het waar groot swaarkry verduur en ondraaglike verliese gely is. Tog het ons ferm gestaan teen die aanslag en saam aksie geneem om onself en die gemeenskap te beskerm. Ons versoek u ook om te help dat ons voortgaan om die grootste versigtigheid en sorg te beoefen altyd waaksaam te wees en dat ons voortgaan om te volhard in ons vasberadenheid om hierdie virus te verslaan.

Met die ophef van elke Vlak en implementering van die volgende Vlak is dit steeds vir ons nodig om met groter waaksaamheid en verantwoordelikheid na onself en so ook na ander, se veiligheid om te sien. Terwyl die maatreëls wat ons neem groot swaarkry veroorsaak, is dit noodsaaklik dat ons verantwoordelikheid neem en met groot versugting in die tyd wat voorlê na almal se veiligheid omsien en weet dat 'n onbeheerde oplewing van infeksie kan plaasvind.

Ons gesamentlike en individuele optrede bepaal hoe oordrag beheer word.

Volgens die kabinetsminister se voorskrifte moet ons steeds besoekers beheer en daar sal net geskeduleerde besoeke toegelaat word vir inwoners wat nie kan uitgaan nie en dit is onderhewig aan die onderstaande voorwaardes.

Maskers binnenshuis is verpligtend.

Slegs besoekers wat 'n geldige besoekerskaart het en 'n afspraak gemaak het en waarvoor daar 'n strokie by die sekuriteitshek is, sal toegelaat word om die perseel binne te gaan.

BESOEK AAN INWONERS.

- Die Suster van die saal of anders Ina / Aloma sal oordeel of 'n inwoner kan uitgaan of nie.
- Die betrokke persoon kan gekontak word of sal u kontak en met u reëlings maak om binne die voorgeskrewe besoeke en dae 'n geleentheid te kry om die inwoner te besoek.
- Die suster gaan die hoeveelheid besoekers per dag en per saal / lokaal baie streng beheer en u word versoek om asseblief u volle samewerking te gee.
- Elke besoeker word versoek om die tyd wat toegestaan word te gehoorsaam en die perseel te verlaat wanneer as die tyd verstreke is.
- Die verantwoordelike persoon sal 'n strokie na die hek stuur wat u toestemming om die perseel te betree magtig.
- Dit is noodsaaklik dat daar doeltreffend ventilasie is en personeel moet asseblief toesien dat vensters en deure altyd oop is gedurende besoeke.
- Ons versoek ook dat u nie onnodig op die perseel beweeg nie en die kortste pad na en van die eenheid gebruik.

- Besoekers word toegelaat om in die tuin te kuier en om inwoners daar te ontmoet.
- Ons moet asseblief onder geen omstandighede die dienshysbak by die kombuis gebruik nie. Dit is ook belangrik dat ons kontak met personeel beperk.
- Alle besoekers aan die D-Blok, E-Blok en Kliniek moet asseblief die ingang by die Herfsmed Kliniek gebruik en van daar na die verskillende punte beweeg. Die suster van D3 en D4 sal reëlings tref dat deure wat gesluit is tydens besoektyd vir u oopgemaak word.
- Besoekers aan die A-Blok sal by die hoofingang ingaan en die hysbak langs die eetsaal gebruik. Besoekers moet ook voortdurend verseker dat hulle kontak met ander inwoners, besoekers en personeel vermy.
- Indien u 'n saal besoek sal ons ook verseker dat daar PBT (Persoonlike Beskermende Toerusting) by die hek beskikbaar is.
- Die reëlings sal in die saal se dagboek aangeteken word en ook vroegtydig gedoen word om te verseker dat reëlings nie onnodige druk op die personeel plaas nie. Minstens een werksdag moet voorsien word om toe te sien dat al die strokies by die regte plek uitkom en die nodige PBT beskikbaar is.
- In die geval van ernstige siekte sal die suster van die saal / spreekkamer die nodige reëlings met die familie en die hek maak.

BEHEER VAN BESOEKERS:

- Slegs persone wat volledig ingeënt is, kan om besoek aansoek doen
- Slegs persone wat die aansoek vir die toegangskaart voltooi, volledig ingeënt is, aansoek ingedien en goedkeuring gegee is sal 'n kaart ontvang en toegelaat word om die perseel binne te gaan.
- Persone onder 18 kan slegs toegelaat word as ouers en inwoner volledig ingeënt is:
 - ouers is verantwoordelik vir beheer van minderjariges.
 - ouers moet toesien dat aansoek vir die nodige toegangskaart betyds voltooi, ingedien en ontvang is anders sal toegang nie moontlik wees nie
 - Persone onder 18 mag ook slegs in die tuin kuier en nie in die eenhede wees nie.
- Besoekers kan nie in u eenheid oorslaap nie, indien nodig kan die gastekamer bespreek word.
- Besoekerskaart moet aangebied word wanneer u by die hek aankom.
- Indien u nie die kaart by u het nie sal toegang geweier word.
- Allokering van parkering vir besoekers word by die hek gedoen.
- Indien parkerings almal reeds beset is sal die besoekers nie met hulle voertuig kan inkom nie.
- Besoekers is self verantwoordelik vir die veiligheid van hulle voertuig.
- In die geval waar 'n nood ontstaan en spesiale besoek gereël word sal die suster van die saal die nodige reëlings met die hek tref om te sorg dat daar geen verwarring is nie.
- Omdat ons steeds die risiko moet bestuur en die veiligheid van almal vir ons belangrik is:
 - Word slegs een besoeker per inwoner in die wooneenheid toegelaat.
 - Geen persone onder 18 word in die wooneenheid toegelaat nie.
 - Die inwoner kan groter groep besoeke in die tuin hou.
- Geen besoekers aan die sorgteenheid sal buite die voorgeskrewe ure toegelaat word nie.

Besoekers sal volgens die voorgeskrewe ure toegelaat word 10:00 – 11:30 en 15:00 - 16:30 en 19:00 - 20:00

- Omdat die dra van maskers in 'n gebou verpligtend is en besoeker dalk sal vergeet om een te bring kan 'n **weggoibare masker** teen **R 2,00** by die hek gekoop word. Besoekers moet verseker dat hulle die korrekte bedrag het omdat daar geen gelde hande sal wissel nie. Die korrekte bedrag moet in die houer gegooi word wat by die hek voorsien word en dan sal die **weggoibare masker** uitgereik word.
- Die dra van die toerusting is verpligtend en die toerusting mag nie met ander gedeel word nie. Ons sal 'n houer by die hek plaas waarin alle gebruikte PBT weggegooi moet word wanneer u die perseel verlaat.

- Aflewerings moet by die hoofingang se hek gedoen word en die pakkies mag nie direk hande verwissel nie. Die persoon wat aflewer ontsmet sy/haar hande en sit die pakkie neer, u ontsmet u hande voor u dit neem.

Let asseblief daarop dat indien ons nie aan die reëls soos in hierdie dokument verduidelik voldoen nie, dit kan lei tot die onttrekking van die besoeker se kaart en toekomstige toegang sal geweier word.

INWONERS WAT KAN UITGAAN.

- Die Suster van die saal of Ina / Aloma sal oordeel of 'n inwoner kan uitgaan.
- Die Suster sal die hek verwittig indien 'n inwoner by die hek moet uitgaan.
- U is verantwoordelik vir u eie en die veiligheid van ander.
- Enige simptome moet onmiddellik by die Suster aangemeld word.
- Fisiese kontak met ander inwoners moet te alle tye voorkom word.
- Dit is steeds beter om uit te gaan en u kinders te besoek eerder as om besoekers te ontvang.
- U mag uitslaap of met vakansie gaan solank die nodige goedkeuring verkry is en u weet dat u met u terugkeer in u eenheid **3 dae** in kwarantyn geplaas gaan word.
- Inwoner moet asseblief nie gedurende die eerste 3 dae binnenshuise aktiwiteite of besoeke by ander inwoners aflê nie.
- Waar geen simptome teenwoordig is nie, kan inwoner vrylik na die buitelug beweeg waar hulle sonder masker kan wees.
- Die dra van 'n masker wat die neus en mond bedek is verpligtend wanneer u in die gebou inbeweeg en wanneer iemand u eenheid betree.
- Alle sosiale besoeke gedurende die periode van voorsorg mag slegs in die tuin plaasvind.
- U sal met u terugkeer in u eenheid vir minstens **3 dae gemoniteer word vir simptome.**
- Indien 'n inwoner wel simptome toon, sal hulle geëvalueer word om te bepaal of enige toetse vereis word en voorgestelde prosedure sal met die inwoner bespreek word. Inwoner kan as voorsorgmaatreeël tydelik in isolasie gehou word tot uitslae van toets ontvang is.
- Indien dit onder ons aandag kom dat 'n inwoner nie die nodige maatreëls nakom nie of dat hulle dalk kontak gehad het met persone wat positief is, sal hulle in kwarantyn geplaas word.
- Indien dit onder ons aandag kom dat 'n inwoner nie die nodige maatreëls nakom nie of dat hulle dalk kontak gehad het met persone wat positief is, sal hulle in kwarantyn geplaas word.

AS ONS NIE DIE MAATREËLS GEHOORSAAM NIE, STEL ONS NIE NET ONSELF IN GEVAAR NIE, MAAR OOK ANDER WAT HOË RISIKO GEVALLE IS.

ONS WIL U ALMAL BEDANK VIR U SAMEWERKING.